



Молитва Святой Блаженной Ксении Петербургской

О святая всеблаженная мати Ксение! Под кровом Всевышняго жившая, ведомая и укрепляемая Богоматерью, голод и жажду, холод и зной, поношения и гонения претерпевшая, дар прозорливости и чудотворения от Бога получила еси и под сенью Всемогущаго покоишися. Ныне святая Церковь, яко благоуханный цвет, прославляет тя. Предстояще на месте твоего погребения, пред образом твоим святым, яко живей ти, сущей с нами, молимся ти: прими прошения наша и принеси их ко Престолу Милосердаго Отца Небеснаго, яко дерзновение к Немю имущая, испроси притекающим к тебе вечное спасение, на благая дела и начинания наша щедрое благословение, от всяких бед и скорбей избавление. Предстани святыми твоими молитвами пред Всемилостивым Спасителем нашим о нас, недостойных и грешных.

Помози, святая блаженная мати Ксение, младенцы светом святого Крещения озарити и печатью дара Духа Святого запечатлеть, отроки и отроковицы в вере, честности, богобоязненности воспитати и успехи в учении им даровати; болящих и немощующих исцелит, семейным любовь и согласие низпослает, монашествующих подвигом добрым подвизатися удостой и от поношений огради, пастыри в крепости Духа Святого утверди, народ и страну нашу в мире и безмятежии сохрани, о лишенных в предсмертный час причащения Святого Христова Тела умоли. Ты наша надежда и упование, скорое услышание и избавление, тебе благодарение возсылаем и с тобою славим Отца и Сына и Святого Духа, ныне и присно и во веки веков. Аминь.

ЖЕНА ПЕТЕРБУРГ
БЛАЖЕНА



О ВСЯКОЙ СЕМЕЙНОЙ И БЫТОВОЙ НУЖДЕ

(Молитва святой блаженной Ксении Петербургской)



О препростая образом житія своего, бездомная на землі, наследнице же обитателей Отца Небеснаго, блаженная страннице Ксении!

Якоже прежде к надгробію твоему недужнии и скорбнии припадавшии и абие утешеніями исполняеми, сице ныне и мы (имена), обуреваемии тлетворными обстоянии, тебе прибегающе, с надеждою просим: помози, благая небошественнице, дабы исправилися стопы наша по словеси Господню к деланию заповедей Его, и да упразднится боговорное безбожие, пленившее град твой и страну твою, повергающее нас, многорешных, в смертное братоненавидение, гордое самовозвешеніе и хвальное отчаяніе. О блаженнейшая Христа ради, посрамившая суету древоу века сего, испроси у Творца и Подателя всяческих благ даровати нам смиренія, кротости и любви в сокровище сердца нашего, веры, укрепленіе молитвы, надежды в покаянии, крепости в многотрудном житіи, милосерднаго исцеленія души и тела нашего, целомудрія в скупрѣжестве и благопопеченія о ближних и искренних своих, всего житія нашего обновленіе в чистительней бане покаянія, яко да всехвально воспевающе память твою, прославим и тебе чудодѣйствующаго, Отца и Сына и Святаго Духа Троицу Единосущную и Нераздельную во вѣки веков.

Аминь.